




ხაშურის მთაშუა



№50 (251)

30 დეკემბერი, ორშაბათი,

2019 წელი

გისურვებთ კეთილდღეობას და წინსვდას

ხაშურის მუნიციპალიტეტის მოსახლეობას, თითოეულ ოჯახს, თითოეულ მოქალაქეს გულწრფელად ვულოცავთ დამდეგ შობა-ახად წელს, ვუსურვებთ სხვათა, ბარაქა და უღვივი სიხარული მუდმივად ჰქონოდეს ყველას, მშვიდობა და სიყვარული ყოფილიყოს თითოეულის თანამგზავრი.

ახალი წელი, ერთგვარად, იმედების დღეა და ღმერთმა ქნას, წელს ყველა იმედი და ოცნება აგლსრულებოდეთ. ამასთან ერთად, გვინდა, გისურვოთ თვითრწმენის ამაღლება, ახალი შთაბეჭდილებები და ახალი შესაძლებლობები.

ჩვენი სურვილია, ყველა-დიდი თუ პატარა, ერთად ვმონაწილეობდეთ ჩვენი ქალაქის თუ მუნიციპალიტეტის წინსვლასა და აღორძინებაში. მუნიციპალიტეტის მერია და მისი თითოეული თანამშრომელი კი ყველა ღონეს იხმარს, რომ მუნიციპალიტეტის ეკონომიკური თუ სოციალური მდგომარეობა მკვეთრად გაუმჯობესდეს.

კიდევ ერთხელ გილოცავთ 2020 წლის შემობრძანებას და შობის ბრწყინვალე დღესასწაულს!

კეთილდღეობა და წინსვლა დაგბედებოდეთ!

პატივისცემით,
გიორგი გურასპაშვილი,
ხაშურის მუნიციპალიტეტის მერი

ძვირფასო თანამოქალაქეო!

მინდა, მოგილოცოთ დამდეგი 2020 წელი, ტრადიციისამებრ, როგორც ეკადრება ქართველ კაცს, ახალი შემართებით და უკეთესის მოლოდინით!

ჩემო ხაშურელებო, თქვენთან ერთად, ერთიანი ძალებით და უფლის შეწევნით, სხვალინდელი აუცილებლად აჯობებს დღევანდელს. თუ ობიექტურად შევაფასებთ იმ სასიკეთო ძვრებს, რაც ბოლო წლების განმავლობაში ხაშურს დაეცყო, თამამად გეტყვით, რომ ქვეყნის ეტაპობრივი განვითარების საერთო ფონზე ხაშური არ ჩამორჩება არცერთ რეგიონს და მომავალშიც, ჩვენი მუნიციპალიტეტის კულტურულ - ეკონომიკური წინსვლისთვის, კიდევ არაერთ ინფრასტრუქტურულ პროექტს განვახორციელებთ.

უპირველეს ყოვლისა, მინდა გისურვოთ სიმშვიდე, რაც ასეთი აუცილებელი პირობა გახდა ჩვენი ყოველდღიურობისთვის, არ მოაკლდეს არცერთ ოჯახს ბედნიერების და სიმყუდროვის განცდა, დოვლათი და ბარაქა!

კიდევ ერთხელ გილოცავთ, რწმენით და სიყვარულით შევდგომოდეთ ახალ 2020 წელს!

პატივისცემით,

მიხეილ ჯანაშვილი, ხაშურის მუნიციპალიტეტის საკრებულოს თავმჯდომარე



ძვირფასო ხაშურელებო!

კიდევ ერთი წელი მიითვალა ჟამთაგამრიგემ. კიდევ ერთხელ მომეცა შესაძლებლობა გულწრფელად მოგილოცოთ დამდეგი შობა-ახალი წელი.

დღეს ერი გოლგოთის აღმართზე დგას. გახშირდა ყმაწვილთა მკვლელობა და თვითმკვლელობა. უდიდესი ტრაგედიაა 15 წლის მოზარდის გარდაცვალება. სრულიად საქართველო შეაძრწუნა ამ ტრაგედიამ, ყველანი ვიზიარებთ ოჯახის მწუხარებას და თანაგუგრძნობთ, მაგრამ მარტო თანაგრძნობა არაფერს შეცვლის. ჩვენი მომავლის ინტერესები მოითხოვს კანონის ორღესულობით, პუმანიზმისა და კაცთმოყვარეობის სახელით, ძირმაგარასავით გამოვრწვათ ყველა ნაკლი, რომელ უწყებაშიც არ უნდა იყოს, რადგან საფრთხის ქვეშ დგას თაობა, რომელიც ჩვენი მომავალი, ჩვენი გვარ-სახელის სათავეა.

იმედი არ კვდებაო, უთქვამთ და ჩვენც ყოველ ახალ წელს იმედით ვხვდებით, იმედით აღვისილნი ვუსურვებთ ერთმანეთს დღეგრძელობას, ჯანმრთელობასა და ბედნიერებას; ოღონდ ეგაა, პირველი ორი ჩვენი სურვილია მხოლოდ, ნება კი ღვთისა. ერთადერთი, რაც შეგვიძლია და ჩვენზეა დამოკიდებული, სიყვარულია, ღვთიური სიყვარული, რომელსაც საზღვარი არა აქვს და იგია ალბათ ბედნიერების სათავეც.

„ღმერთი სიყვარული არს“ - გვასწავლის იოანე ღვთისმეტყველი.

ადამიანის ყველაზე დიდი სიმდიდრე ღირსებააო - ბრძანა ილიამ.

ღირსება და სიყვარული გზა არის ღვთისაკენ, სიკეთისაკენ, ბედნიერებისაკენ მიმავალი და ამ გზით სიარულს გისურვებთ, ჩემო ხაშურელებო.

„თუ თავი შენი შენ გახლავს ყარიბად არ იხსენები“ - დავგმოდგრა შოთამ და „თავი შენი“ სწორედ ღირსებაა, სიყვარულია. არადა, ღირსების შემლახველ და სიძულვილის ბევრ მაგალითს გვიტოვებს მიღებული წელი. თუ არა ღირსების შელახვა და სიძულვილი, სხვა რა დავარქვით იმ გააფთრებულ შეტევას დედაეკლესიასა და მის სატყუიმპრობელზე, რომელიც ყველამ ვიხილეთ?

ჩვენი ეკლესია ხომ მუდამ დარაჯად ედგა ერის მთლიანობასა და დამოუკიდებლობას. ის იყო იდეა ქართველთა თანხმობისა, თანხმობისას კი ქართველი უძლეველი იყო ყოველთვის. მეტიც, როდესაც სამშობლო მტრისაგან დაპყრობილი და დაქუცმაცებული იყო, სწორედ ეკლესიის წიაღში იშვა მისი მთლიანობის იდეა, რომელიც ასე ჩამოყალიბდა: „ქართლად ფრიადი ქუეყანაი აღირაცხების, რომელსაცა შინა ქართულითა ენითა ჟამი შეიწირვის და ლოცვაი ყოველი აღესრულების“.

მაჟორიტარი დეპუტატები ფეოდალებად, მომხვეჭელებად, ხალხისაგან მოწვევტილებად ვართ მავანთა მიერ სახელდებულნი. ასეა თუ არა, ეს თქვენ უკეთ უწყით, მე ერთი შემიძლია ვითხრათ, არასდროს მავიწყდება უფლის სიტყვები - არა მოვედ რათა გიმსახუროთ, არამედ მსახურებად თქვენდა...

დრო-ჟამი მხოლოდ სამარის ბორცვებს როდი ასწორებს, იგი სიმათლის სასწორს ჩვენს ნამოქმედარსაც უდგამს.

მრავალ ახალ წელს დასწრებოდეთ!

იმრავლეთ, იხარეთ, იბედნიერეთ!

პატივისცემით,

სიმონ ნოზაძე, ხაშურის მუნიციპალიტეტის მაჟორიტარი დეპუტატი საქართველოს პარლამენტში



შიდა ქართლის სამხარეო ადმინისტრაციაში 2019 წელს განხორციელებული პროექტები შეაჯამეს

შიდა ქართლის რეგიონში მომუშავე სამშენებლო კომპანიების წარმომადგენლებს რეგიონული განვითარებისა და ინფრასტრუქტურის მინისტრის მოადგილე ილია ბეგიაშვილი, შიდა ქართლის სახელმწიფო რწმუნებული გიორგი ხოჯევანიშვილი და შიდა ქართლის მუნიციპალიტეტის მერები შეხვედრენ. შეხვედრაზე 2019 წელს განხორციელებული პროექტები და 2020 წლის გეგმები განიხილეს.

“მიმდინარე წელს რეგიონში პროექტები დათქმულ ვადებში და რაც მთავარია, შესაბამისი სტანდარტების დაცვით შესრულდა. ამიტომ, პირველ რიგში, მადლობას ვუხდით თითოეულ კომპანიას გაწეული საქმიანობისთვის. რაც შეეხება, სამომავლო გეგმებს, არანაკლებ დატვირთული გვექნება და ვიმედოვნებ, ჩვენს თანამშრომლობას ისევ აქტიურად და პროდუქტიულად გავაგრძელებთ.”- აღნიშნა რწმუნებულმა.

წლის განმავლობაში, რეგიონის თითოეულ მუნიციპალიტეტში გზების, სანიაღვრეების, სასმელი და სარწყავი სისტემების, ამბულატორიების, საგანმანათლებლო დაწესებულებების, სპორტული და ტურისტული ინფრასტრუქტურის სამშენებლო და სარეაბილიტაციო სამუშაოები განხორციელდა. მათი გარკვეული ნაწილი გარდამავალია და 2020 წელს დასრულდება. გარდა ადგილობრივი ბიუჯეტისა, პროექტები მუნიციპალური განვითარების ფონდიდან დაფინანსდა.

აღსანიშნავია, რომ წელს რამდენიმე მნიშვნელოვან პროექტს ჩაეყარა საფუძველი. კერძოდ, აქტიურად მიმდინარეობს, ატენის სიონის მიმდებარე ტურისტული ინფრასტრუქტურისა და საპარკინგე სივრცის მოწყობა.



ასევე, აქტიურად მიმდინარეობს კასპის პროფესიული სასწავლებლისა და ტექნოპარკის მშენებლობა. თითოეულ მუნიციპალიტეტში მნიშვნელოვნად გაუმჯობესდა საგზაო ინფრასტრუქტურა. აღსანიშნავია, რომ რეგიონის 67 სკოლას ჩაუტარდა რეაბილიტაცია.

ჯამში, მიმდინარე წელს შიდა ქართლში 71 მილიონ ლარზე მეტი ღირებულების 617 პროექტი განხორციელდა.



საპრეზენტაციო შეხვედრა სურამის ქალაქმშენებლობით გეგმასთან დაკავშირებით

ამ დღეებში, შპს „ურბანიკას“ ხელმძღვანელმა ირაკლი მურღულიამ მუნიციპალიტეტის მერიის წარმომადგენლებისთვის დაბა სურამის ქალაქმშენებლობითი გეგმის შემუშავების ტექნიკური წინადადების საპრეზენტაციო შეხვედრა ჩაატარა.

შეხვედრას ესწრებოდა ხაშურის მუნიციპალიტეტის მერი გიორგი გურასპაშვილი, მერის პირველი მოადგილე ზვიად ქურდაძე, მერიის სამსახურების ხელმძღვანელები.

შეხვედრა საქმიან ხასიათს ატარებდა. „ურბანიკა“, ტენდერში გამარჯვებული კომპანიაა, რომელიც დაბა სურამის ქალაქმშენებლობითი გეგმაზე მუშაობს. პრეზენტაციის ფარგლებში იმსჯელეს ტექნიკური მიდგომების და განვითარების პრინციპების შესახებ, გაცვალეს საქმიანი ინფორმაცია, გაიმართა საგნობრივი დისკუსია.

შპს „ურბანიკა“ სურამის ქალაქმშენებლობითი გეგმის შემუშავების ფარგლებში შეხვედრების ჩატარებას დაბა სურამის მოსახლეობასთანაც გეგმავს.

მერიის სამხედრო აღრიცხვისა და გაწვევის სამსახურმა საკრებულოს შე- საბამის კომისიას 2019 წლის 11 თვეში გაწეული საქმიანობის ანგარიში ჩააბარა

ხაშურის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიამ მოისმინა მერიის სამხედრო აღრიცხვისა და გაწვევის სამსახურის ანგარიში 2019 წლის 11 თვეში გაწეული საქმიანობის შესახებ. სამსახურის ხელმძღვანელმა მიხეილ ბარბაქაძემ ვრცლად ისაუბრა საანგარიშო პერიოდში გაწვევების სტატისტიკასა და გატარებულ ღონისძიებებზე, შეეხო სამომავლო გეგმებსაც. სხდომას უძღვებოდა კომისიის თავმჯდომარე ანა ხარებავა.



სურამის ქალაქმშენებლობითი გეგ- მების შემუშავების შესახებ სურამის №2 საჯარო სკოლაში განხილვა გაიმართა

შეხვედრას ინფრასტრუქტურის მინისტრის მოადგილე მზია გიორგობიანი და ადგილობრივი ხელისუფლების წარმომადგენლები ესწრებოდნენ

განაშენიანების გეგმების შემუშავებისას, პრიორიტეტულად გასათვალისწინებელი საკითხებია - საბავშვო კურორტის ფუნქციის აღორძინება, ბუნებრივი პირობებისა და მინერალური წყლების გონივრულად გამოყენება, ადმინისტრაციულ-საზოგადოებრივი ცენტრის კომპლექსურად მოწყობა, არქიტექტურულ-ესთეტიკური იერ-სახის გაუმჯობესება, ქაოსური სამშენებლო სამუშაოების წარმოების რისკის შემცირება, ებრაელთა უბნისა და სინაგოგის არსებული ვითარებისა და შესაძლებლობების ანალიზი, სურამის რკინიგზის სადგურის რეკონსტრუქცია, ე. წ. ბრაუნფელდის - არსებული და მიტოვებული სამრეწველო ობიექტების პერსპექტივის განსაზღვრა

ქალაქმშენებლობითი გეგმებზე მუშაობა მომავალი წლის ბოლომდე გაგრძელდება

რა სქენს ზამთრის დღესასწაულებს განსაკუთრებულ საზეიმო ელფერს? რა თქმა უნდა, ნადვის ხე, მრავალფეროვანი მოსართავეები და ილუმინაციები!

ოჯახებში ნადვის ხის მორთვა ტრადიციად არის ქცეული და მას ყველა წევრი ესწრება. წლიდან წლამდე სულ უფრო მეტი მონაწილეობით ვარჩევთ აქსესუარებს და მოსართავეებს სადღესასწაულო ხისთვის. ნადვის ხე არა მხოლოდ საშობაო და საახალწლო დღესასწაულის აუცილებელი ატრიბუტია, არამედ სარკეა, რომელშიც ეპოქის მსოფლმხედველობა ირეკლება...

საახალწლო მოსართავეები ოდითგანვე იცვლებოდა მმართველობის სტილიდან, იდეოლოგიიდან და საზოგადოების განწყობიდან გამომდინარე, აქვე გასათვალისწინებელია ეკონომიკური მდგომარეობაც. თანამედროვე საშობაო რიტუალის ფორმირება გერმანულ ტრადიციაში შუა საუკუნეების ბოლოსა და ახალი ერის დასაწყისში მოხდა.

რუსეთში ნადვის ხე, როგორც „საშობაო ხე“ XIX საუკუნის დასაწყისში პეტერბურგელი გერმანელების ოჯახში გაჩნდა. 1817 წელს მან საიმპერატორო კარის მოსახვედრებელ ოთახებშიც შეაღწია. ბავშვებისთვის განკუთვნილი ნადვის ხის ხეიმი კი რუსეთის იმპერიაში პირველად 1828



წელს რუსეთის იმპერატორმა ალექსანდრე თეოდორეს ასულმა თავისი ხუთი შვილისთვის მოაწყო. პირველად ნადვის ხე საჯაროდ, რუსეთის იმპერიაში 1852 წელს პეტერბურგში, ეკატერინოგრადის სადგურზე გამოჩნდა. ამის შემდეგ, ნადვის ხეების დადგმა თეატრებში, კლუბებში და სხვა თავშეყრის ადგილებში დაიწყო.

სწორედ ამის გამო, რუსეთის იმპერიაში ნადვის ხე შობის დღესასწაულთან იყო გაიგივებული და ძირითადად რელიგიური ხასიათის აქსესუარებით ირთებოდა, მას როგორც სიმბოლოს, საბჭოთა კავშირი დაუპირისპირდა.

საბჭოთა ხელისუფლება აქტიურად გამოდიოდა „რელიგიური ცრურწმენების“ წინააღმდეგ. 1920-იანი წლების დასაწყისში კომკავშირის წევრები ალტერნატივის სახის „კომკავშირული შობის“ ორგანიზებას



ცდილობდნენ, რომელსაც რელიგიური დღესასწაულის დისკრედიტირება უნდა მოეხდინა.

თუმცა, ახალგაზრდა კომუნისტების გადაჭარბებულმა ენთუზიაზმმა შესაბამისი მხარდაჭერა ვერ ჰპოვა უფროს თაობაში, რომელთა უმეტესობას ჯერ კიდევ ბავშვობიდან ჰქონდა შემორჩენილი შობასთან დაკავშირებული კეთილი მოგონებები. საბჭოთა კავშირის უკვე მძიმედ ავადმყოფმა ლიდერმა ვლადიმერ ლენინმა 1923 წლის 7 იანვარს, შობას, ბავშვებისთვის ნადვის ხე თავისი დის, მარია ულიანოვას დახმარებით მოაწყო.

შობა კი საბჭოთა კალენდარში დასვენების დღედ 1929 წლამდე დარჩა. ამის შემდეგ კი, ნადვის ხეც და თოვლის ბაბუაც „რეპრესირებული“ სიაში აღმოჩნდნენ, როგორც ბურჟუაზიული და ანტი-საბჭოური ტრადიცია. საშობაო ნადვის ხე კომუნისტების „ტყვეობაში“ 5 წელზე მეტი დროის განმავლობაში იყო.

1936 წელს, ნადვის ხის რეაბილიტაცია საბჭოთა პროპაგანდისტის პაველ პოსტიშევის სახელს უკავშირდება, რომელმაც არსებული ინფორმაციით, სტალინს ბავშვებისთვის დღესასწაულის დაბრუნება სთხოვა, საბჭოთა კავშირის კომუნისტური პარტიის მდივანმა იოსებ სტლინმა კი მას მხარდაჭერა გამოუცხადა.

ნადვის ხის დაბრუნების იდეასთან დაკავშირებით, პოსტიშევის პირველი წერილობითი მინიშნება გახეთ „პრავდაში“ გაჩნდა და აქედან სულ მალე საზოგადოებას ნადვის ხე დაუბრუნდა, თუმცა, ახალი სტატუსითა და ფუნქციით - თუ რეკლამურად ნადვის ხე შობის დღესასწაულს უკავშირდებოდა და მას ამშვენებდა, რეინკარნირებული ნადვის ხე ახალი წლის სიმბოლო გახდა, რომელმაც ოჯახებში, სადღესასწაულო განწყობის პარალელურად, საბჭოთა პროპაგანდა შეიტანა.

რელიგიურ ატრიბუტებს ისეთი მოსართავეები შეენაცვლა, რომლებიც

საბჭოთა იდეოლოგიასა და პატრიოტულ სიმბოლიკას უკავშირდებოდა. სწორედ ამ პერიოდიდან, მაღაზიებში ყველანაირ საახალწლო თემატიკას მოკლებული ვარსკვლავების, დროშების, ღირებულების, ჩარხების, თვითმფრინავებისა და ტანკების, მოგვიანებით კი კოსმოსური ხომალდების ფორმის ნადვის ხის სათამაშოები ჩნდება.

განსაკუთრებული სააგიტაციო ფუნქცია საახალწლო ინვენტარმა, მათ შორის კი საახალწლო მისალოცმა ბარათებმა, მეორე მსოფლიო ომის დროს შეასრულა. მისალოცები სულაც არ იყო საახალწლო განწყობით გაჯერებული ბარათები, არამედ მძიმე საომარ ხასიათს ატარებდა, მსგავსი წარწერებით: „ჩვენს გზაზე მტერი განადგურებულია, ჩვენ მოვიტანთ გამარჯვებას დამდეგი ახალი წლისთვის!“

ფრონტის ხაზზე გასაგზავნი მისალოცი ბარათები, როგორც წესი, ჯარისკაცებს ბრძოლისკენ, გამარჯვებისა და სამშობლოს

დაცვისკენ მოუწოდებდნენ. „საახალწლო საღამო სამშობლოს გმირ დამცველებს“ - დაახლოებით ასეთ შინაარს შეიცავდა ბარათები, რომლებიც საომარი თემატიკის მიხედვით იყო გაფორმებული.

ეს ბარათები დიდი ხნის განმავლობაში ასრულებდა ხიდის როლს ფრონტის ხაზზე მყოფ ჯარისკაცებსა და მათ უკან დარჩენილ ოჯახის წევრებს შორის.

უნდა ითქვას, რომ ახალგაზრდა პროფესიონალი მხატვრების მიერ შექმნილი ბარათები ახლა დიდი პოპულარობით სარგებლობს კოლექციონერებს შორის. კომპოზიციის მრავალფეროვნება და ორიგინალურობა სწორედ ის მახასიათებლებია, რის გამოც მათი კოლექციონირება დაიწყო.

ოფიციალურად, ნადვის ხემ თავი იოსებ სტალინის გარდაცვალების შემდეგ დაიშკრიდა. თუმცა, ამ დროსაც მისი მოსართავეები კვლავაც ხაზს უსვამდა იმ იდეოლოგიას, რაც საბჭოთა კავშირში იყო გამეფებული.

ზოგადად, ნადვის ხე, პროპაგანდისტული მიზნებისთვის საბჭოთა კავშირში საკმაოდ წარმატებით გამოიყენეს, ამიტომ წლიდან წლამდე ეს სადღესასწაულო ატრიბუტი, თავისი მოსართავეებით, ყველა იმ აქტიურად მოვლენის ისტორიას ყვებოდა, რაც კონკრეტულ პერიოდში მიმდინარეობდა - იქნებოდა ეს ცივი ომი და ამერიკის კულტურასთან დაპირისპირება, თუ რბოლა კოსმოსში უპირატესობის მოსაპოვებლად.

ნადვის ხემ თავისი მოსართავეებით ყველა ეს ისტორია საკუთარ ტოტემზე გადაიტანა. საბჭოთა კავშირის შემდეგ, სადღესასწაულო ნადვმა პროპაგანდისტული წნეხისგან ამოისუნთქა, თუმცა გაჭირვების ტვირთით



დამძიმდა, რაც მის გარეგნულ მხარეს აშკარად დაეტყო.

სწორედ „ბნელ 90-იანებში“, როდესაც მოსახლეობას არ ჰქონდა ელქტრონერგია, ბუნებრივი აირი და წყალი, საახალწლოდ განსაკუთრე-

"რეპრესირებული" თოვლის ბაბუა, საბჭოთა ახალი წელი და 90-იანების ვერცხლისფერი ნადვის ხე - როგორი იყო ჩვენი და ჩვენი წინაპრების ახალი წელი ძველად

(დასასრული)

ბით მოთხოვნადი გახდა დაბალხარისხიანი პლასტმასის მოსართავები, რომლებიც ალბათ, იმაზე უფრო იყო გათვლილი, რომ არ გამტკვარიყო და რაც შეიძლება მრავალი წლის განმავლობაში „დაემშვენებინა“ ნადვის ხე.

ასევე, ამ დროს მოდაში შემოსული უგემოვნო წვიმებიანი ვერცხლისფერი ნადვის ხეები, რომლებიც სავარაუდოდ იმისთვის შეიქმნა, რომ



სადღესასწაულო იღუმინაციები, სანტა კლაუსი, სანუქრები, რომლებსაც ბავშვები ნადვის ხის ქვეშ ელიან და სიმღერები, რომლებიც შობა-ახალი წლისგან უკვე განუყოფელია - ეს ის სასიამოვნო სიახლეებია, რომლებიც ჩვენს საახალწლო ტრადიციაში ამერიკულმა კულტურამ დაამკვიდრა.

ამერიკულ მასკულტურაში სანტა-კლაუსის აქტიურად დამკვიდრებამ საახალწლო სიმღერები კიდევ უფრო დასამახსოვრებელი, წითელი ფერი კი განსაკუთრებით სახეიმო გახდა.

დღეს, მსოფლიოს ქალაქებს შორის ერთგვარი კონკურსიც კი არსებობს, ვის უფრო ლამაზი და ორიგინალური ნადვის ხე ედგმება. ზოგიერთ ქვეყანაში კი ქალაქის მთავარი ნადვის ხის განათებას ათასობით ადამიანი ადევნებს თვალს მთელი მსოფლიოს მასშტაბით.

დღეს ნადვის ხე ძირითად შემთხვევაში ირთვება იმის მიხედვით, თუ რისი წელი მოდის, რომელი ფერი იქნება ილბლიანი და ღომინანტი და რა ტრენდია ბაზარზე.

მაგალითად, უკანასკნელ პერიოდში უპირატესობას ხელნაკეთი მოსართავებს ანიჭებენ, სადაც მსხვრევედ და მტვრევედ მასალაზე მეტად ეკოლოგიურად სუფთა მასალა ჭარბობს.

სათამაშოები რაიმე სახის პროპაგანდასა და იდეოლოგიას აღარ ატარებენ და ისინი მიმზიდველი, გემოვნებიანი, მრავალფეროვანი და გამორჩეულია.

გილოცავთ შორეული სამხრეთ აფრიკიდან

ალბათ, ბავშვობაში განცდილი გრძობა თუ ემოცია, როგორც არ უნდა იყოს ის, ყოველივე ჩვენთაგანს ცხოვრების ბოლოდღე მიჰყვება. სწორედ ასეთი განცდა მეუფლება ყოველი ახალი წლის დადგომის წინა დღეებში, სადაც არ უნდ ვიმყოფებოდე.

ეს სასიამოვნო შეგრძნება კიდევ უფრო მეტი სიცხადითა და ნოსტალგიის თანხლებით მახსენდება ისეთ უჩვეულო გარემოში მყოფს, რომელშიც ბოლო რამოდენიმე წელია ვცხოვრობ. სწორედ აფრიკის ძალიან ცხელ და მზიან წინასახალწლო დღეებში, დღე არ გავა, რომ არ გამახსენდეს ახალი წლის თოვლიანი და ძალიან სუსხიანი წინა საახალწლო დღეები, როდესაც ხაშურის ჩვენს ძალიან დიდი სახლში, საოცრად ლამაზ, თბილ და სასიამოვნო ემოციებით გადავსებულ, თითქმის არარეალურ გარემოში ვიღვიძებდი ახლო ნათესავებით გარსშემორტყმული.

მახსენდება სახლში არსებული ორომტრიალი; უფროსების დაუღალავი ფუსფუსი, ტელეფონის თითქმის გაბმული ზარები, უწყვეტი მოლოცვების მოსმენა, უამრავი საჩუქარი და ბავშვების გაუთავებელი თამაში. ბიძაჩემის ყოველ წელს ზუსტად ერთი და იგივე ფრაზის მოსმენა, რომ უკვე დიდები გავხდით და აღარ უნდა დაგვკირდეს იმდენი შენიშვნების მიღება, რამდენიც უკვე გასულ წელს დავიმსახურეთ და რომ ბოლოს და ბოლოს, ცირკში ბეჭემოთი მოათვინიერეს და ჩვენ რა გვკირს და რა დაგვემართა ასეთი. ერთი სიტყვით, წინასახალწლო დღეებში, ჩვენი სახლი საბავშვო მულტიპლიკაციური ფილმის სიუჟეტს ჰგავდა, სადაც მთელი დღის განმავლობაში ყველა თავის საქმეს აკეთებდა დიდი რუდუნებით და საღამოს მაინც ყველა ბედნიერი იყო ამ გაუჩერებელი ფუსფუსით გამოწვეული გადაღლილობის მიუხედავად.



ამ ორომტრიალში მე და ჩემი ბიძაშვილი - დათო, სულმოუთქმელად ველოდებოდით თორმეტი საათის დადგომას, როდესაც ბაბუაჩემი სახლის მორე სართულზე ავიდოდა და ჩვენც თან წავგიყვანდა. ერთი კარადის თავიდან გადმოიღებდა ძველ, მაშინ ჩვენთვის უშველებელ სანადირო თოფს, რომლის დანიშნულებას მხოლოდ ახალი წლის დამეს ჰაერში გასროლა წარმოადგენდა, მას კარგად გავშენდდა და

შემდეგ ჩვენი თანხლებით გამოდებდა ფანჯარას, საიდანაც გარედან შემოვარდნილი სუსხი წამიერად აგვიწვავდა ხოლმე სახლის სიბოში და მთელი დღის სირბილის გამო აღაუქმებულ ლოყებს და ამ თოფს ორჯერ გაისროდა ჰაერში.

პირადად ჩემთვის ამ თოფის გასროლა რადაციის დასასრულსა და ამასთან, ბოლომდე გაუთვითცნობიერებელის დასწყისს მოასწავებდა. ცოტა ძნელია იმის ახსნა, თუ რატომ მიხაროდა ამ თოფის ხმის გაგონება, მართალი გითხრათ, დღეს ჩემთვისაც გაუგებარია, თუ რატომ ველოდი ასე სულმოუთქმელად და რატომ მაბედნიერებდა ამ თოფის ხმის გაგონება. ალბათ იმიტომ, რომ ამ თოფის ხმის გაგონების შემდეგ, სულ რამდენიმე თვეში კიდევ ერთ კლასს დავამთავრებდი, ან კიდევ ერთი წლით დიდი გავხდებოდი, ან მალე დადგებოდა ზაფხული, როდესაც ბაბუა შეპირებულ პირობას შეასრულებდა და მორიგ ველოსიპედს მიყიდდა და ალბათ, კიდევ სხვა მიზეზების გამო, რაც დღეს უკვე აღარ მახსოვს, მაგრამ ერთი რამ, რაც ძალიან კარგად მახსოვს იყო ის, რომ ამ ყოველწლიური რიტუალში მონაწილეობა უზომოდ მაბედნიერებდა მეც და ჩემი ბიძაშვილ დათოსაც.

საახალწლო ბედნიერებას ვერაფერს აკლებდა ყოველს წელს ახალი წლის დადგომის წინა საათებში შუქის გათიშვა და ამის გამო გამოწვეული დიდი უკმაყოფილება, რომ მორიგი ახალი წელი ჩაუმწარდათ. მეორე სართულზე ბაბუასთან ერთად ასვლა, ჰაერში თოფის სროლა და შემდეგ მოულოდნელად შუქის მოსვლა, ისედაც ბედნიერებს, კიდევ უფრო გვახალისებდა და მხოლოდ ერთი აუსრულებელი სურვილის ასრულება გვინდოდა, რომ ეს ახალი წელი კიდევ დიდხანს, დიდხანს გაგრძელებულიყო.

ამ სასიამოვნო მოგონებებით გილოცავთ, ჩემო ხაშურელებო, ახალ, 2020 წელს, ეს წელი, მშვიდობის და გამთლიანების წელი ყოფილიყოს!

შაკო დათიაშვილი, სამხრეთ აფრიკაში საქართველოს საელჩოს თანამშრომელი



მალე ახალი - 2020 წელი დადგება, რომელიც აღმოსავლური კალენდრის მიხედვით ახალ 12 წლიან ციკლს გახსნის. დამდეგი წლის პირველი მმართველი თეთრი მეტალის ვირთხაა - ჭკვიანი, ეშმაკი და სახიფათო მღრღნელი. ამ მხრივ საინტერესოა, მომავალი პერიოდი, ზოდიაქოს ნიშნის მიხედვით რას გვიმზადებს.

2020 წლის ჰოროსკოპი

ქალწული

2020 წელი მერკურის მფარველობის ქვეშ მყოფი ნიშნებისთვის წარმატებული იქნება. ქალწულისთვის კი ნამდვილად ფანტასტიკური პერიოდი. წლის დასაწყისში შთაგონებას და მთების გადაღმის სურვილს იგრძნობთ, რომ ბედნიერი და კომფორტული ცხოვრება მიიღოთ. ამ დროს დაძინება და ყველაფრის თავის ნებაზე მიშვება არ ღირს. მჩქვარე ენერჯია უნდა მართოთ. ეს ენერჯია განვითარებისა და მიმართეთ. ამისთვის გამბედაობა და ერთგულება დაგჭირდებათ.



წინსვლისკენ

სასწორი

სხვა ზოდიაქოს ნიშნებისგან განსხვავებით, სასწორმა ყურადღება საკუთარ ცხოვრებას უნდა მიაქციოს, ოჯახთან და ირგვლივ მყოფ ხალხთან ურთიერთობის საკითხებს დრო უნდა დაუთმოს. თუ პარმონიაზე ოცნებობთ, პირველ რიგში, საკუთარ გრძნობებში უნდა გაერკვეთ და სწორი გადაწყვეტილება მიიღოთ. წლის მეორე ნახევარი ამ მიზნებისთვის იდეალური იქნება. თქვენთვის ეს შეიძლება მეორე ნახევართან შეხვედრა ან ბავშვის მალე დაბადების სიახლე იყოს.



მორიელი

მეტალის ვირთხა რთულ პერიოდს გპირდებათ. გაზრდილი ზეწოლისთვის მოემზადეთ, რომელსაც ხალხი და სხვადასხვა გარემოება მოახდენს. დამატებითი პასუხისმგებლობის აღება მოგიწევთ, მაგრამ წლის ბოლოს გასული პერიოდის სიამოვნებით გახსენება თუ გასურთ, ეს აუცილებლად უნდა გააკეთოთ. დანარჩენ შემთხვევაში უფრო თავშეკავებული იყავით. თქვენი უხეში, დაუფიქრებელი ქცევები სერიოზულ ზიანს მოგაყენებთ.



მშვილდოსანი

იუპიტერის მფარველობის ქვეშ მყოფი მშვილდოსნისთვის მნიშვნელოვანი დრო დგება, რომელსაც შეიძლება „განწმენდის პერიოდი“ ვუწოდოთ. 2020 წელს მშვილდოსანს საკუთარი გარემოს გადახედვა და სინანულის გარეშე ზოგიერთის ჩამოშორება მოუწევს. უფრო მეტიც, თეთრი ვირთხის წელმა მშვილდოსანს შეიძლება ბიზნესში ბედნიერები ცვლილებები მოუტანოს. შეიძლება საკუთარი საქმე გახსნათ, რომელიც წლები უზრუნველყოფთ. მნიშვნელოვანია, რომ უსარგებლო წვეულებებსა და სასიყვარულო საქმეებში ბედნიერი ცხოვრების შანსი ხელიდან არ გაუშვათ.



თხის რქა

დამდეგი წელი თხის რქისთვის გახსნილი იქნება. პირველი თვეებიდან სატურნის დაქვემდებარებულებმა უნდა გააცნობიერონ, რომ ამ ცხოვრებაში მიზნის მისაღწევად დიპლომატიის და კომპრომისის ხელყოფნა უნდა აითვისონ. ადამიანებთან ურთიერთობის და სხვების დახმარების გარეშე თხის რქა ვერასდროს შეძლებს გახდეს ის, რაზეც ოცნებობს. დროა, სამყაროს გაუღიმიოთ და მაშინ სამყაროც საპასუხოდ გაგიღიმებთ! 2020 წელი კარგი დროა ოჯახის შესაქმნელად და ახალი, პერსპექტიული ნაცნობების გაჩენისთვის.




მერწყული

დამდეგ 2020 წელს მერწყულს კარგი განწყობა და უამრავი ცხოვრებისეული გეგმა ექნება. გეგმების შესრულებას ნამდვილად შეძლებს, თუ საკუთარი ხელით არ გაანადგურებს იმას, რაზეც ამდენი წელი შრომობდა. ამისთვის, ჭორებს არ უნდა მოუსმინოთ და არ დაუჯეროთ იმას, რაც საკუთარი თვალით არ გინახავთ, არაკეთილმოსურნეების პროვოკაციებმა შეიძლება თქვენი ცხოვრება გაანადგურონ, თუ წინდახედულობას არ გამოიხენთ.



თევზები

თევზებისთვის თეთრი მეტალის ვირთხა ახალ არხს ნიშნავს, რაც მათ ცხოვრებას მნიშვნელოვნად შეცვლის. შესაძლოა, საკუთარი შიშების და ეჭვების გამო, ყველაზე არასასიამოვნო პერიოდის გადატანა მოგიწიოს, მაგრამ ეს ამაღ ღირს. წლის ბოლოს თქვენს გარდასახვას გაცემული შეაფასებთ და კმაყოფილებით აღნიშნავთ, რომ განვითარებისთვის ახალი ნაბიჯი გადადგით.



ვერძი

2020 წელი ვერძის ნიშნის წარმომადგენლისთვის გამოცდის და გამძლეობის შემოწმების პერიოდი იქნება. არ დაგავიწყდეთ, რომ ეს წელი ნაკიანი იქნება. ვერძს მხოლოდ შეუპოვრობა და თავდაჯერებულობა არ ეყოფა, რომ სასურველს მიადლოს. უფრო რბილი და მოქნილი უნდა გახდეთ, რომ საკუთარ მიზნებს არა უხეში ძალებით, არამედ დიპლომატიის გზით მიადლოთ. არც თუ ისე მშვიდი პერიოდი გელოდებათ, მაგრამ თუ ხელს არ ჩაიქნევთ და მოთმინებას მოიკრებთ, ეს პერიოდი პოზიტიურ ნოტაზე და მნიშვნელოვანი დადებითი შედეგებით დასრულდება.



კურო

ყველა ანგარიშით, სწორედ თქვენი წელი დგება! კურო მიზანდასახული ადამიანია, რომელსაც მომავალი სარგებლის მისაღებად ლოდინი შეუძლია, ხოლო ამის შეგრძნების შემდეგ, მომენტს ხელიდან არ უშვებს. სწორედ ისეთი პერიოდი დგება, როცა იღბლის დაჭერას გაწვედნილი ხელით მოახერხებთ. საკუთარ თავზე მცირე ძალისხმევით ცხოვრების კარდინალურად შეცვლას შეძლებთ. ვენერას დაქვემდებარებულებს ცვლილებები არ უყვართ. თუ გამბედაობას და სითამამეს გამოიხენთ, უახლოესი 12 წელი წარმატება თქვენს მხარეს იქნება!



ტყუპები

2020 წელი საკმაოდ ოპტიმისტური იქნება. ის ახალ ნაცნობებს და მიმზიდველ შეთავაზებებს გპირდებათ. არსებობს ალბათობა, რომ თქვენი ოჯახის სტატუსი შეიცვლება ან სამსახურში პერსპექტიულ შეთავაზებას მიიღებთ. ნებისმიერ შემთხვევაში, ნაადრევი სიხარული არ ღირს. რთული პერიოდი გელოდებათ, რომელიც ამა თუ იმ სტატუსში თქვენი მდგომარეობის დადასტურებას მოითხოვს. თუ სამყაროს საჩუქარს სწორად გადაანაწილებთ, წარმატება თქვენს მხარეს იქნება.



კირჩხიბი

თეთრი მეტალის ვირთხა კირჩხიბის ნიშნის წარმომადგენლებს სერიოზული არჩევანის წინაშე აყენებს – იმოქმედონ და ბედნიერი ცხოვრების შანსი მიიღონ, ან ოცნებაზე უარი თქვან და მთელი ცხოვრება სინანულში გაატარონ. სწორი გადაწყვეტილების მისაღებად მთელი თქვენი შეუპოვრობა დაგჭირდებათ. ცხოვრებაში პოზიტიური ცვლილებები გელოდებათ, მაგრამ მათ შესაგრძნებად „ნაჭუჭიდან“ უნდა გამოხვიდეთ და თქვენი ღირსებები ყველას აჩვენოთ. ამასთან ფაქტია, რომ წარმატების მისაღწევად დაძაბული უნდა იყოთ. ზოგჯერ საკმარისია მოდუნდეთ და მიიღოთ ყველაფერი ისე, როგორც არის.



ლომი

ვირთხის წელი უამრავ განსაცდელს გპირდებათ. მოულოდნელი ზარალისა და გეგმების შეფერხებისთვის მზად იყავით, განსაკუთრებით წლის პირველ ნახევარში. მომავალში კი ყველაფერი თქვენს ინტერესსა და ნებისყოფაზე იქნება დამოკიდებული. მთავარია, წვრილმანებს ყურადღება მიაქციოთ. ყველა პრობლემის ერთდროულად მოგვარება არ სცადოთ, ასე შეიძლება მნიშვნელოვანი დეტალები გამოგრჩეთ, რაც ღირსეული ადგილის დაკავებაში ხელს შეგიშლით. თქვენ კი ამას, უდაოდ, იმსახურებთ.



საინტერესო გამოფენა ხაშურის მხარეთმცოდნეობის მუზეუმში

ხაშურის მხარეთმცოდნეობის მუზეუმში ხელოვან ქეთევან ბარბაქაძის პერსონალური გამოფენა „ცივი ფაიფურის სამყაროში“ გაიხსნა.



გახსნის ღონისძიებას უძღვებოდა ხაშურის მუნიციპალიტეტის სამუხეუმო გაერთიანების მმართველის მოადგილე სამეცნიერო დარგში მურად მთვარელიძე. გამოფენაზე, რომელსაც მხატვრები, ხელოვნების მოყვარულები და ფართო საზოგადოების წარმომადგენლები ესწრებოდნენ, ხელოვანმა ბოლო პერიოდის ნამუშევრები წარმოადგინა.

გამოფენა „ცივი ფაიფურის სამყაროში“, რომელსაც დამსწრეთა საყოველთაო მოწონება ხვდა წილად, ხაშურის მხარეთმცოდნეობის მუზეუმში ათი დღის განმავლობაში გაგრძელდა.





“იბერიის თასმა” ხაშურში დაიდო ბინა

ქალთა ფეხბურთი, ნელ-ნელა, მაგრამ მაინც იკრებს ძალას საქართველოში. ამაში კი, ქვეყნის მასშტაბით, ერთ-ერთი დიდი წვლილი ხაშურსაც მიუძღვის. თემურ კობერიძე, წარშულში შესანიშნავი ფეხბურთელი და აწ პროფესიონალი მწვრთნელი, იყო ის პიროვნება, რომელმაც ამ ოციოდე წლის წინ, თამამად შეიძლება ითქვას, ნულიდან დაიწყო და დღეს ხაშურის ქალთა თუ გოგონათა გუნდები ყველასათვის ანგარიშგასაწვევი ძალაა. ამის დასტური, ძველ წარმატებებს რომ თავი დაეანებოთ, ამ დღეებში, “იბერიის თასის” გათამაშება გახდა. აღნიშნული ტურნირი პირველად გაიმართა და სასიამოვნოა, რომ “იბერიის თასმა” ხაშურში დაიდო ბინა. ტურნირზე 15 წლამდე გოგონები მონაწილეობდნენ და ჩვენმა გუნდმა შანსი არ დაუტოვა მეტოქეებს. ფინალამდე გოგონები უპრობლემოდ მივიდნენ (ბურთების საერთო შეფარდება-9:1), ფინალში კი მცხეთა-მთიანეთის ნაკრებს 4:3 მოუგეს. აღსანიშნავია, რომ ტურნირზე დაწესებული სხვადასხვა პრიზიც ჩვენს ფეხბურთელებს ერგოთ: საუკეთესო მეკარე ნინო ავეტისოვი გახდა, საუკეთესო ბორმბარდირი-ელენე ენჯიბაძე, საუკეთესო ფეხბურთელი კი-ნინო ბუნრიკიძე. ამ ფეხბურთელების გარდა კი, “იბერიის თასი” მაგდა პაპიაშვილს, სალომე გამრეკელს, ლიზი ნიშნიანიძეს, მარი დოიჯაშვილს, მედეა ძამანაშვილს, ნინო ხუციშვილს და თიკო ელისაშვილს გადაეცათ. აღსანიშნავია, რომ მაგდა პაპიაშვილი, ლიზი ნიშნიანიძე და ნინო ხუციშვილი, ჯერ მხოლოდ 11 წლისანები არიან და ასეთი წარმატება, ასეთი კარგი მწვრთნელის ხელში, უდავოდ სახავს მათ მაღალ პერსპექტივებს.

ვულოცავთ ჩვენს გოგონებს ამ წარმატებას და იმედია “იბერიის თასს” კიდევ ბევრი გამარჯვებები მოჰყვება.



დ კაცი, რომელიც დააკლდა ხაშურს

სულ ცოტა ხნის წინ დავემშვიდობეთ განსაკუთრებულ ადამიანს, გულმხურვალე თანამოქალაქს და მნიშვნელოვან ფიგურას ქართული რაგბის ისტორიაში-თემურ რუხაძეს. ძნელია წარსულში დაწერო მასზე, არ ნელდება ტკივილი და მოგონება ამ ბოზოქარ და კოლორიტ კაცზე: მის სახელს უკავშირდება 1966 წლიდან ქართული დიდი რაგბის განვითარება, სადაც წარუშლელ კვალად დარჩება, როგორც მრავალი დამსახურებული ეპიზოდის ავტორი, ამიტომაც, ამ სახეობაში სპორტის საპატიო ოსტატის წოდება ერთ-ერთ პირველს თემურ რუხაძეს მიენიჭა. სხვადასხვა დროს და ადგილას მიღებული ტიტული “ჩემპიონი” ყველაზე უკეთ გამოხატავს ამ სულით ანთებული და ათლეტი სპორტსმენი კაცის შეფასებას, როგორც სპორტულ სარბიელზე, ისე ადამიანურ ურთიერთობებში. უამრავ მიღებულ ჯილდოებს შორის, უმნიშვნელოვანესია სპორტის დიდი დამსახურებისათვის და საზოგადოებრივ ცხოვრებაში გაწეული საქმიანობისათვის მიღებული მაღალი სახელმწიფო ჯილდო-ღირსების ორდენი. საყოველთაო პატივისცემა სდევდა ბატონ თემურის გამორჩენას ყველა თაობის ადამიანებში, განსაკუთრებით ახალგაზრდებში, თითოეულთან სათქმელი, მეგობრობა და უშურველი თანადგომა აკავშირებდა.

თავდავიწყებული სიყვარულით უყვარდა ხაშური, ქალაქი, რომელსაც გამგებლობის წლებში მრავალი ფიქრი, ძალა და ენერჯია შეაღია, რომლის სატკივარიც ტკიოდა მუდამ. თვითონაც განსაკუთრებული ოჯახის შვილმა, გააგრძელა ღირსეული ტრადიცია და საკუთარი ოჯახი შექმნა გამორჩეულ ქალბატონთან-სამუსიკო სკოლების გაერთიანების მმართველ ლალი რუხაძესთან. მეუღლესთან ერთად, რუხუნებით და ძალისხმევით შეუდგა ხაშურის სამუსიკო სკოლის დამაშენებს და ახალი აღმავლობის გზას. სკოლას ხშირად მიუღია ბატონი თემურისგან მორალური, ემოციური და ფინანსური მხარდაჭერა. კეთილი საქმის კეთების ოსტატი გახლდათ ბატონი თემური, გაცხადებულად და მაღულად ქვაზე დადებული მაღლი, მისი ცხოვრების კრედიტ, მისია და მოვალეობა იყო.

გზა გრძელდება, ცხოვრების კანონზომიერება იმედოდ სინათლის სხივს გამოაჩენს ხოლმე-ეს სხივი კი ბრწყინვალე სახელება ქართულ სამედიცინო სფეროში. თემურ რუხაძის ქალიშვილები, მაია რუხაძე-მედიცინის დოქტორი, პროფესორი, ალერგიისა და იმუნოლოგიის ცენტრის სპეციფიკური დიაგნოსტიკის განყოფილების ხელმძღვანელი, ალერგიისა და კლინიკური იმუნოლოგი-

ის ევროპის აკადემიის ალერგიის, ასთმისა და სპორტის სამუშაო ჯგუფის თავმჯდომარე, ასთმის ბორდის წევრი, ინოვაციური მედიცინის ინიციატივის წარმომადგენელი საქართველოში. საქართველოს ასთმისა და ალერგიის პაციენტთა ასოციაციის დირექტორი.

თამარ რუხაძე-ონკოლოგი, მედიცინის დოქტორი, თსუ პროფესორი, პალიატიური მედიცინის საერთაშორისო ექსპერტი, თსუ ონკოლოგიისა და პალიატიური მედიცინის ფაკულტეტის მედიცინის კათედრის ხელმძღვანელი, თსუ მედიცინის ფაკულტეტის დეკანის მოადგილე-აკად. ფ. თოდუას სამედიცინო ცენტრის კლინიკური ონკოლოგიის განყოფილების ხელმძღვანელი.



ლამაზი იუმორით, სიცოცხლის და ადამიანური სიყვარულით, უშუალოდ და, ამავდროულად, ბოზოქარი ბუნებით ისტორიას დარჩება საამაყო ხაშურელი კაცის სახელი, ეს სახელი-თემურ რუხაძეა.

მეგობრები: ინგა ხრიკაძე, მედეა შიუკაშვილი, ნანი ჭიტიაშვილი, ლიანა ტატიშვილი, მაია მურადაშვილი, ეთერ თომაძე, მაია შიუკაშვილი, ნანა ლაბაძე.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.
 E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.
 P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.